



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

OTPREMLJENO

1-6-10-2020

potpis

Broj: 06-30-37234-3/20
Sarajevo, 15.10.2020. godine

**MINISTARSTVO ZA OBRAZOVANJE, NAUKU I MLADE
KANTONA SARAJEVO**

n/r ministra, mr. Anes Krivić

- Ovdje-

PREDMET: Objašnjenje i tumačenje o primjeni Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (" Službene novine Kantona Sarajevo " , broj : 37/20) , **obavijest** o dostavljenom aktu na dalje postupanje u predmetu Javna Ustanova Prva gimnazija, Veza Vaš broj: 11/04-30-37234/20 od 05.10.2020. godine, dostavlja se ;

Poštovani,

Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj: 37/20),(u daljnjem tekstu: Uredba), koju je donijela Vlada Kantona Sarajevo stupila je na snagu narednog dana od dana objave u Službenim novinama Kantona Sarajevo 17.09.2020. godine, decidnije stupanje na pravnu snagu je **18.09.2020. godine** .

Stavom (1) člana 1. predmetne **Uredbe** jasno je propisano da jedinstvene kriterije i pravila za zapošljavanje branilaca i članova njihovih porodica primjenjuju kantonalni organi uprave i kantonalne upravne organizacije, Grad Sarajevo, općine u Kantonu Sarajevo, kao i **sva pravna lica** čiji je osnivač Kanton, Grad Sarajevo ili općina u Kantonu Sarajevo, odnosno ukoliko se finansiraju iz budžeta sa učešćem od najmanje 25%.

Logičnim, ciljnim i sistemskim pravnim tumačenjem nedvojbeno se dolazi do zaključka da pravna norma iz Uredbe **obvezuje** prilikom prijema u radni odnos, tj. zapošljavanja sve Javne :

- visokoškolske obrazovne ustanove,
- srednjoškolske obrazovne ustanove,
- osnovne odgojno-obrazovne ustanove,
- predškolske obrazovne ustanove .



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1



Implementacijom pravnih odredbi Uredbe se ne dolazi do kolizije sa primjenom Zakona o srednjem obrazovanju ("Službene novine Kantona Sarajevo", broj: 23/17), Zakona o osnovnom odgoju i obrazovanju ("Sl. novine Kantona Sarajevo", broj:23/17,33/17,30/19 i 34/20), kao ni sa Pravilnikom za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo", broj 35/17) koje donosi ministar ispred ministarstva za obrazovanje,nauku i mlade Kantona Sarajevo.

Vlada Kantona Sarajevo je 03.09.2020. godine na svojoj 31. sjednici usvojila navedenu uredbu kojom se propisuje prednost pri zapošljavanju svih boračkih kategorija na način da se licu nakon bodovanja po osnovu općih i posebnih kriterija konkursa, **nakon provedene kompletne konkursne procedure, uključujući i intervju, na ukupan broj ostvarenih bodova, u zavisnosti od pripadnosti branilačkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje određeni postotak istih .**

U Pravilniku za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo ("Službene novine Kantona Sarajevo", broj 35/17) jasno se vidi intencija za preferenciju boračke populacije.

Pravilnikom u članu 10. pod naslovom - (Dopunska prava boraca-branitelja BiH) normirano je da :
(1) Kandidat koji konkuriše za posao u ustanovi, po osnovu zakona kao zaslužno lice u odbrambeno-oslobodilačkom ratu sa područja Kantona Sarajevo, a u skladu sa čl. 1., 2. i 23. Zakona o dopunskim pravima boraca-branitelja BiH - prečišćeni tekst ("Službene novine Kantona Sarajevo", broj 45/12), ima pravo prednosti pri zapošljavanju u odnosu na ostale kandidate, ukoliko se na konačnoj bodovnoj rang-listi kandidata nalazi među tri najbolje rangirana kandidata.

U skladu sa stavom (3) člana 5. Uredbe **obaveza je Pravilnik** za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo, **uskладiti sa sadržajem Uredbe**, a do tada pored Pravilnika dužnost je neposredno primjenjivati Uredbu. Također je obaveza da se prilikom raspisivanja javnog konkursa za zapošljavanje kao dokaz o pripadnosti boračkoj populaciji traži dostava dokumenata koja su u prilogu Uredbe i čine njen sastavni dio.

Smatramo da ste Vi kao preteča davanja prednosti boračkoj populaciji najpozvaniji da primijenite Uredbu koja još preciznije,detaljnije i konkretnije reguliše zapošljavanje boračke populacije.

Ističemo da je zapošljavanje pripadnika boračke populacije i njihove djece, posebno djece šehida i poginulih, umrlih i nestalih branilaca po nama nesporan javni interes, pogotovo u situaciji kada se ta djeca zapošljavaju samo pod uvjetom da su ispunila sve opće i posebne uvjete koji se traže .



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

